

續修經小卷

續修楓涇小志卷八

志藝文

里人程兼善達青重纂

書目

翰苑集

元宗編遺錄

遣使錄

康教論

君臣圖翼

備舉文言

宣公奏議

古今集驗方

都官集

應制策論

廬山紀略

廣于祿字書

古鼎法帖

漢隸字原

歷代帝王總要

班馬字類

周易附傳

諸史辨疑

居易集

尚書制度圖纂

自立齋詩文稿

澤著

蘆中集

北征草

楓涇小志

卷八 藝文

南遊雜編

嘉隆編年史

華萃集

管窺集

南溪吟稿

雲溪逸稿

華萼樓集

雪齋明鑑錄

思親錄

硯亭小品

吳山漫稿

碧蓮叟稿

刑商十則

治統韻言

嘯墨齋詩集

鴻冥集

晤往錄

戴氏詩譜

五經解義

格言雜語

一粟軒詩集

官爵志

可經堂集

易憲

東山遺草

渡江草

懷謝軒詩集

雪初詩稿

明心錄

五倫坊表錄

敲玉山房詩稿

桐陰書屋文稿

烽火餘生草

俱沈基著

沈龍著

孫纘祖著

沈懋德著

沈淀著

葉元美著

顧朝楨著

支如璿著

俱王無逸著

王無私著

王命召著

王基著

顧誠心著

俱郁元著

俱支大綸著

明王宗達著

俱陳壽著

俱元王文

通鑑提錄

詩義正傳

俱胡之國

南岡詩鈔

王錫誕

綱鑑纂要

明名臣傳畧

俱孟春和輯

嶺雲集

歸來草

竹窗雜詠

鈍留齋集

醫學正宗

俱曹燦著

永思堂集

楊應標著

曠期堂集

莆陽集

俱王睿著

歷代史論

山曉閣古文集

山曉閣詩詞集

俱孫琮著

芋栗吟

寄魚草

俱柏古著

得閒學草

顧颺著

霽堂詩鈔

錢諒臣著

泊庵集

支隆求著

南雅堂詩文集

王國珍著

四書存是編

李葵生著

容成詩稿

顧璟芳著

聲遠策論

明詞彙選

蘭皋詞

俱李葵生胡宸顧璟芳應

同輯

容廬詩文集

施肇嘉著

閩遊集

施肇麟著

魏里詩存

施肇麟輯

詩粵

山亭存稿

俱胡允滋著

楓涇小志

卷八 藝文

二

可幾三則

沈業著

釣餘集

費道亨著

鶴巢閒唱

葉如珪著

四書述解輯要

陳原輯

含輝閣詩集

玉山紀事

天南物產偶吟

粵遊吟

俱陳培著

諸儒講義

沈辰垣著

雲紱詩存

王錦雯著

歸雲集

陳仁著

回善錄

陳仁輯

粵遊草

豫章吟

俱浦之純著

深柳堂集

胡然著

易解大義

孟學中著

鶴鳴堂詩集

王之圻著

經濟類苑

顧秉堅著

梅花集

尚友齋集

俱程瑛著

雪尺齋集

高話堂集

雨前稿

溪上草

俱葉津著

遵渚集

息廬集

丙寅集

俱陶爾綈著

雲西草堂詩集

松亭詩鈔

俱沈廷杓著

半庵詩草

沈廷枚著

科第先資

陳禮輯

河干詩鈔

李永祺著

東干小草

曹爾樽著

清風士詩稿

漪南集

俱成 葉永

平恕齋文集

鶴貽堂集

俱輝 浦文

白邨集

曹奕 著

寶倫堂小草

曹奕 著

三友齋集

邁孫 紹著

賞靜軒詩集

楊恒 著

碧巢詩稿

畫學金鍼

俱論 顏

葦邨集

郁劭 著

漱石吟稿

曹鑑 著

軼亭詩鈔

支期 著

芷江集

俱熊 蔡維 著

三蘇策論

楊爾 著

巖東吟稿

著支 期

默石齋詩集

徐維 著

得樹軒詩鈔

徐宏 著

楓溪吟

徐穎 著

霞城偶草

蔡煒 著

南邨草堂集

經義日纂

皇華紀程

俱彥 程鍾 著

觀光集

南巡盛典

試策典要

俱封 蔡以 著

月帆詩草

六榆散人草

俱元 曹復 著

石函詩鈔

趙金 著

吟壇小史

張正 著

南征旅草

許椿 著

夢花軒詩鈔

沈承 著

燠三歷試草

胡燮 著

楓涇小志

卷八

藝文

三

三友齋遺稿

蔡以 著

山南草堂詩詞集

郁景 著

楓溪棹歌

葉佩 著

唐詞彙選

顧宋 著

天香書屋詩學

曹源 著

壺領山房詩集

謝垣 著

安雅堂集

書學正說

俱謝 著

菩園詩鈔

俞爾 著

喉科源遠集

鄭春 著

半硯齋詩鈔

畢大 著

錫慶堂集

陳孝 著

蔗園詩鈔

胡世 著

月槎吟稿

汪壩 著

南松學吟

闌干詩鈔

俱顧 曰 著

武林雜詠

竹溪詩鈔

范棻 著

樹香齋詩集

俱陳 蘭 著

晚翠山莊詩鈔

金泌 著

靜間樓隨見錄

靜間樓書畫記

自畫山水跋

賞心樂事

俱暉 沈映 著

耕花齋亦吟草

郁金 著

續清異錄

老莊合參

俱羽 蔡子 著

盼柯軒稿

寒蛩集

後甲集

雲僑集

俱顧之
莖著

閒來草堂稿

顧之
芳著

虛白齋集

沈承
煥著

玉臺集

沈承
煥著

博古圖識略

沈烈
著

蘭樵書屋詩稿

許煌
著

毛詩切音

霏雪軒稿

俱胡德
麟著

觀我閣古文

淞笠齋詩鈔

事類撮華

俱程維
岳著

據經堂詩鈔

萍廬草

俱王啓
焜著

三餘詩鈔

陳尚
誼著

鶴湖漁長詩鈔

高稽
著

穎川集

盛
著

臨溪草堂集

胡麒
著

環碧山莊詩文集

沈步
垣著

鷗江草

牛笛草

丁樽
著

松麟書屋學吟草

鷗江草

閩遊草

俱張身
浩著

姑且吟

蘆簾閣稿

俱邵豐
城著

明賢遺翰

謝恭
銘輯

紅樹山莊集

咫聞暇錄

詹詹小錄

續買愁集

俱曹湯
鼎著

齊物類鈔

曹湯
鼎輯

賁石山房集

汪鳴
珂著

楓涇小志

卷八

藝文

四

滌硯齋稿

程廷
泰著

娛志居詩鈔

張身
濤著

八樹山房詩鈔

王桂
林著

貫經堂詩集

鼇山樵唱

俱陳秉
悌著

味閒堂吟稿

陶鎔
著

甘白齋詩集

施尙
桓著

情蛻集

曹相
虎著

清風涇竹枝詞

南園雜詠

新豐吟稿

商於吟稿

從戎草

俱陳
祁著

萬里蛩吟

陳鵬
著

楓涇竹枝詞

秋航詩

俱沈蓉
城著

舊雨齋集

沈玉
堂著

淡虛齋詩稿

沈玉
堦著

環溪詩集

王輝
著

蠹碧新編

梅亭詩草

俱許漢
爻著

隅齋自訂文集

天咫錄

俱吳遇
坤著

抱簫山道人稿

賜硯齋詩文集

俱陳鴻
墀著

全唐文紀事

全唐文年表

俱陳鴻
墀輯

撫苗事略

吳城
著

清風涇小志

曹相
駿著

風溪詩存

曹相
駿輯

客滇夜話

牀頭鍼綫

俱汪東
鑒著

小蓬壺吟稿 謝純鈺著 晉遊草 蔡學遜著 石臺館詩集 邵廷鍾著

夜航歸棹集 近遊草 俱戴公望著 恕存草 蔡長庚著

懷蓼齋詩 沈介圭著 遜是遺經 黃人雲著 獨樂吟 黃人昌著

雲間集 沈錫章著 聽雨齋詩集 聽香樓詞 俱沈鏞著

西夏書事 吳廣成著 二十一史金石考異 歷朝名年紀略

明史紀事本末補 六甲贅編 俱吳廣成輯 枕善堂集 陳大溶著

了了先生詩鈔 顧遜著 羣書類鈔 王錫祺輯 南松學吟

闌干詩鈔 俱顧漢著 藝闌書屋詩鈔 蘭蕙論略 俱程文杞著

紫崧館詩集 顧超邕著 話雨軒詩集 顧景康著 松南詩鈔 許進著

歷朝僭國世系摘覽增訂 改元考同 俱許進輯 于役草

琴臺吟 俱王修地著 擲牡集 黃春暉著 安雅堂遺稿 謝沂著

楓涇小志 卷八 藝文 五

深翠軒吟稿 王慶濤著 浣薇山館詩集 蔡傳謹著 驢背吟草 沈漢揚著

劍泉詩鈔 沈錫奎著 痧痘要訣 沈鎰著 須曼華居吟稿 陳世鈞著

傳經堂詩鈔 嵩縣竹枝詞 俱費震文著 宗經集文稿 謝漢著

餅齋課餘 顧性蘭著 味經堂詩鈔 黃蕃著 漢隸續補

嘉興金石志 江甯金石志補 鐘鼎欵識校誤

南村帖考 俱程文榮著 一枝樓吟稿 郁道鍾著 傳雅堂詩集 謝宇澄著

醫方薈編 葉奕良著 治何略述 施著 壽花室詩稿 顧煥著

楓水詩存 顧煥著 游滁雜記 沈著 四診便讀 程菊孫著

評月草堂賦鈔 吟薰閣詩草 寄生吟草 俱許辰珠著

白梨花館題畫草 費晉昌著 忠孝堂集 陶淇著

蕉林著易編 樂攷 畫原

續書譜 瀟湘別館詩文稿 碧霞仙館詞 俱楊振

餘山存稿 沈衍著 湘華館集 黃鞠著 賁雪居詩稿 顧增著

避兵草 沈王著 辦貞亮室隨筆 陳汝濤著 蘇呂策論 陳宗溥編

楓涇小志 陳宗溥著 蠶吐殘絲詩稿 謝雍著 滌硯齋詩稿

篆隸指掌 俱程光著 聽潮山館文集 蕉雨山房詩稿 俱楊懋

著 六真齋詩稿 謝琪樹著 繞梅吟屋詩稿

拳石書堂集 味琴館詞 俱施遂著 傷寒金匱合編歌註

石經書屋吟稿 本草註釋 枕中訣 俱張國治著

靜怡軒吟草 郁宗蕃著 潛園詩存 李鏐著 醉月居詩詞鈔

蒸里志略 俱葉世熊著 重輯楓涇小志 許光葉世熊費灃同輯

耐冷居詩稿 葉世駒著 楓溪權歌 潛陽樵唱

楓涇小志 卷八 藝文 六

懷餅吟稿 武水志餘 於潛縣志

古泉考略 幻樓詞 俱程兼善著 算學大全 陳維琪著

結綺吟 施芳著 以俱閨秀 伴蛩吟 王桂著 碧簾居詩草 王汝鶯著

香奩餘詠 沈瓊著 蘭村集 沈珍妍著 彤管彙編 戴素蟾輯

清風涇雜詠 戴素蟾著 飲恨吟 編孫晚著 貽清閣詩稿 吳湘著

遠香閣吟草 畢慧著 岫雲小草 曹珍著 得樹樓詩鈔 金淑著

綺餘書室詩稿 陳葆貞著 鷗北樓詩鈔 王德嫻著 繡餘集 盛華如著

裁紅館駢體文集 詠十六國春秋詩 留雲居詩集 俱朱珏著

吟香閣詩鈔 姚僊霞著 關邪說 明方著 梵香林詩鈔 國朝圓機著

原教論 宋契嵩著 以外 關邪說 明方著 梵香林詩鈔 國朝圓機著

龍虎山志 御選妙正真人語錄 俱婁近垣著

知非贈言錄

婁近垣

仙槎軒詩鈔

蘭粟

集文

唐

陸贄論替換李楚琳狀

吾聞王者有作先懷永圖謀必可傳事必可繼不因利以苟得不乘便而幸成故能上下相安而理可長久也彼楚琳者固是亂人乘國難而肆逞其姦賊邦君而篡居其位按以典法是宜污瀦既屬多虞不遑致討乃分之以旄鉞又繼之以寵榮逮至南巡頗全外順道途無壅亦有賴焉雖朝命累加蓋非獲已然王言一出則不可渝縱闕君臣之恩猶須進退以禮今若因行幸之威勢假迎扈之甲兵易置以歸是同虜執以言乎除亂則

楓涇小志

卷八

藝文

七

不武以言乎務理則不誠禍變繁興爲日久矣負釁居位豈唯一人以此時巡復將安入以此撫御誰其感懷昔漢高僞遊韓信見獲功臣繼叛天下幾危征伐紛紜以至沒代其微幸之不可也如此陛下得不爲至戒哉議者謂之權宜臣又未諭其理夫權之爲義取類權衡衡者稱也權者鍾也故權在於懸則物之少多可准權施於事則義之輕重不差其趨理也必取重而捨輕其遠禍也必擇輕而避重苟非明哲難盡精微故聖人貴之乃曰可與適道未可與立可與立未可與權言知機之難也今者甫平大亂將復天衢輦路所經首行脅奪易一帥而虧萬乘之義得一方而結四海之疑乃是重其所輕而輕其所重謂之權也不亦反乎以反道爲權以任數爲智君上行之必失衆

臣下用之必陷身歷代之所以多喪亂而長姦邪由此誤也夫以韓信才略當時莫儔且負嫌猜已遭告訐縱之足以亂區寓除之可以安國家幸而成擒猶謂失策當時被攻戰之害百代流詭詐之譏况楚琳卒伍凡材廝養賤品因時擾攘得肆猖狂非有陷堅殪敵之雄出奇制勝之略頗同狐鼠乘夜睚眦晨先既升勢自跲縮今郊畿已入武衛方嚴汧隴鎮壓於其西邠涇扼制於其北顧是歧下若居掌中以楚琳瑣劣之資處掌中控握之地縱令躑躅何惡能爲願陛下姑務含弘普安反側促駕遏止錄功犒勤敷肆眚之恩布維新之令然後徵韋舉楚琳俾入分文武之職擇元勳宿望命出總岐隴之師則彼承詔欣榮奔走不暇安敢薑介復勞誅鉅措置得宜萬無一跌何遽過動

楓涇小志

卷八

藝文

八

不爲後圖仰希睿聰試更詳慮謹奏

宋

陳舜俞上歐陽內翰書

具官某謹齋沐裁書頓首載拜有聞於郡牧內翰先生坐下某雖不肖從事於學蓋有得古人一言竊藏於心日思所以行言之道而未能者矣某自少小時誦禮記至曾子曰夫所謂孝者國人稱願然曰幸哉有子如此可謂孝矣是使其親爲君子未嘗不撫卷三復又追考古人之所以著見功業顯榮其親必先有志於斯言邪自是居就師友出遊場屋未嘗不恐恐自重於言語去就之際懼有以辱乎親者慶歷中天幸及第爲天台從事歲未滿而罪罰遽至先人不幸卒於官舍旣而由深山窮谷

中負柩獲返於家輒自號訴於宗族鄉里之人曰某罪戾深矣顧隕身草土不足贖而適重之請得變禮行葢塗之事使某夙夜勉強固所樹立萬一有聞於當世而吾先人教子之勤見紀述於天下取重之人且能蒙取朝廷一命及於漏泉而後葬然而聲名不章道德不進聲牙連蹇於簿領文墨心曰負而事曰違至於今十有三年前此者嘗求天下賢士大夫而歸之至於不愧而置身門下自比於門生故吏是亦大懼曰沈沒於小俗吏之中使先人之德不足以有聞也某今也天重其幸由科選改官屈指日月其覬贈典以酬其言者所不逮三年耳若其獲以先人之見於紀述以取重於當世而垂信於後人則未知果能也然念某始以頑殘奉諱於坐下往來牆宇之間亦於今

明

李自華陸宣公奏議序

余自橐筆立館下細繹載籍攷覽當世名賢碩輔制誥疏議代不乏人獨敬輿陸公之爲文爲臣光耀簡冊垂萬世規如先正

評之蔑以尙矣然公嘗曰吾上不負天子下不負所學今溯公
學師承無攷然觀其論輕重之權破反道之說則秦漢諸儒所
不能及夫程子謂自漢以下無人識權而公云權之爲物取類
權衡其趨理也舍輕而擇重其避禍也舍重而就輕又曰以任
數爲智以反道爲權此古今所以多喪亂而長奸邪也非胸中
卓有定識者能作此語耶用是知公閱博之學匪徒高出漢儒
蓋直見聖賢達權大指矣以故灑翰抒詞指世陳政一切本於
仁義之忠讜而酌以輕重之權衡剖幾析微動中肯綮炳炳如
丹即當時上有猜忌專欲之君下有跋扈播^桀驚之臣中罹播越
草莽之變公乃以單言片詞感動上意而禡天下強臣悍將之
魄以彌其逆節然則公之學信可謂不負矣昔人以賈生喻公

余謂爲生易爲公難賈生得君如漢文而猶以不用死藉令二
公易地而處則從容獻納止輦受言漢可三代而流涕痛哭三
表五餌恐未必轉悟帝衷且啓山東士卒之感泣也厥後謫忠
州別駕惟檢集方書閉口不談天下事斯又其明哲之權所謂
舍重而就輕者矣故自唐迄今千餘載而進御講筵傳誦海內
如一日也公二十九代孫道乾以績學名時克光前烈念公墓
在蜀也乞就國紀叱馭瞻掃比歸捐貲葺祠請於朝理祭田之
舊且思世藏原板漫漶多訛乃翁公泰屢圖梓之未果復踵成
之以應四方士大夫之式祠而求者命余弁諸端余於公家學
淵源漸摩有素故公之文章相業不贅而直敘公學如致堂所
贊蓋有自云

郁袞嘉善縣志跋

嘉善設縣自宣德己酉至弘治庚午六十餘年未有記載之書
壬子郡守柳公琰肇創郡史於時邑令汪侯貴聘百櫛周先生
寅梅東孫先生璧輯境內事爲一編上之郡今府志四十五
十六三卷是也當時史法固未暇論又二十四年爲正德甲戌
一泉王侯德明謀製邑乘甫屬稿而被召去又三年爲丁丑始
修前帙預史事者今受秩家居散鶴沈君槩臨貢不祿積庵高
君廩時袞以年少從二君後撰述凡例檢閱故事書稍就緒竹
里倪少甫病其繁且圖速成刪去十之五六而延太僕都南濠
先生潤色之都亦好簡且謂倪去取已當無復諏訪捐益故部
居雖稍新而紀載之疎脫則與壬子郡史無大異其人物傳更

壞於檢人之手所謂文編者亦污雜志餘蕪蕪冗三者俱當附
合而分之袞與沈君高君每竊歎焉會郡太守白泉徐公盈修
改郡志下令屬邑各纂佚事吾邑先後授館沈君高君復至袞
亦從二君後重發舊章依郡牘所移條例成編又增修正誤私
編月校歲增時有竄易邑人士以爲可傳沈君老而辭楮先生
矣歲丙申高君館於陸簣齋家暇日取其草彙括體例附論以
議合倪公志餘文編以類相從勒成一書其事則迄於己亥之
歲未付梓而高君有人琴之感矣陸君以袞留心邑事文字交
最深屬釐定之而未工也閱歲丙午是書致力垂三十年勉成
高君夙昔編年之志豈非厚願哉余兄鈇博通典籍相與網羅
散佚攷究得失及掌故有未徵者輒加訂正而有待焉今戊申

春陸君補太僕官於留京將行適今明府金沙于侯下車講論民隱諮詢舊典陸君喜謂袞曰得賢主人矣邑史之成今其時也言於侯屬以事自六月十一日削簡至今十二月再易草始成新編其文簡而賅瞻而有體以附於作者之末不爲苟同將以傳遠貽後也于侯陸君稱善懸之通都都人士咸以爲善惟不及令高君見之爲遺憾耳

沈泓告乞葬親疏

工部辦事進士臣沈泓謹奏爲比例陳情懇乞聖恩暫假葬親俾得一心報國事竊臣草野誦讀忠愛有懷目擊時艱方切澄清之志倖叨中殿試三甲第十六名應第一選推官則建效馳驅以答聖恩而酬夙抱此其時也即有烏鳥私情萬難忍置豈

楓涇小志

卷八

藝文

十一

敢於筮仕之始反欲先親而後君然念求忠必本於孝朝廷又安取不孝之子以爲臣臣旣將委身事君益恨負心將母茲尙得借一日未受職之身補一身不可贖之罪敢以萬不得已之苦情冒死而爲皇上陳之臣家世世單寒故父文炤業儒未遂年二十三歲而亡臣生止五月有八日家徒壁立祇遺田七畝臣母宋氏拮据盡瘁藁葬臣父於祖墓之傍因茹荼嚙蘖忍死撫孤織紉爲生中宵血指外祖父母慮難終節謀奪母志臣母斷髮毀容絕粒不食血書報謝誓以身殉及臣長取臣父遺書手自督課句釋字解寒暑不輟凡雪夕霜宵母子形影相弔吞聲佐讀血淚爲枯蓋撫字之艱旣以母而兼父義方之訓復以母而兼師臣母之節實爲至苦不意崇禎二年臣甫叨恩選臣

母以力盡筋疲一朝見背計自二十三歲至五十有四苦節三十二年歷盡艱辛不能殫述事載松江郡志讀者無不涕零至崇禎六年四月間巡按直隸臣陳乾陽採風入告特蒙恩旨旌表故民沈文炤妻宋氏貞節之門天上宸綸忽被窮簷苦節聖恩浩蕩臣母固死有餘榮矣顧臣貧不能大襄復藁葬臣母於父塋之側崇禎六年叨領鄉薦以來臣恐久虛旌閭明旨館穀所入僅能建豎立節竭蹶數年而竣至欲卜地改葬綿力實難並營蹉跎至今臣罪萬死然臣向未通籍歲時猶得寢興墳墓自母死十五年以來凡冬至歲除之夜臣必草宿墓前攀木哀號以請不能改葬之罪臣與父母雖幽明隔絕猶生死相依也今將銜綸遠任計其地非萬里則千里計其時非六年則五年

楓涇小志

卷八

藝文

十三

置父母於淺土而儼然宦遊臣難懷許國之忱實切傷親之痛況臣母茹苦一生而臣不能承歡一日終天之恨尤百身莫贖者乎臣謹按大明會典內一欵洪武間定內外官吏給假省親遷葬者俱自行具奏取自上裁臣敢比遷葬之例瀝血哀請伏思皇上以孝治天下乞俯念苦情暫假回籍營葬事竣速赴就官則自今以往頂踵髮膚皆可捐糜報國是臣之暫假以贖不孝之愆正臣之永矢以爲盡忠之地也臣不勝哀泣待命之至

國朝

支期褒祀編序

五常百行丈夫當不負鬚眉四德三從女子亦有光巾幗忠孝根於天性節烈發自良能義炳雲霄名齊河嶽以魏塘之片壤

在浙水爲偏隅析於宣德之初年列作嘉禾之外縣輝煌星斗
適當斗宿之分垣映帶山川不少川靈之毓秀生斯地者大有
人焉陸宣公峻望常存陳賢良清風未已薰陶有得佐化瑟以
謳歌披拂無方緝峨冠而禮讓邑洵符乎善邑鄉久號夫賢鄉
地以人傳道由心運忠誠一奮非關氣骨之奇孝友相成式覩
風徽之正安常而怡顏養志臨難則致命捐軀士林豈乏完人
閭左每饒獨行廬瑩割股遇厯艱辛讓產分金情杼肫摯惠必
周於粉里以解以推事可濟於梓鄉任勞任怨灼知名義直舉
胸懷卓爾不羣昭然若揭至如有齊季女變彼諸姬孝父母於
庭中敬舅姑於堂上痛所天兮早逝誓之死矣靡他鞠幼良難
矧螟蛉之式穀食貧已苦更梟獍之橫侵永晝哀號或殉死而

楓涇小志

卷八

藝文

十四

甘同穴弱齡矢志或未婚而守孤幃筠節松枝歲寒益信風饗
雪虐白首無渝凡皆得正氣於乾坤成男成女所以表芳蹤於
邦國可法可傳者也恭遇 盛朝特褒潛德欽承 恩詔大沛
深仁創祠宇而咸秩明禋鐫碑坊而長留姓氏闡來幽隱核實
無虛樹以風聲錫各伊始況工費悉資正課而差科不派民間
當翬飛鳥革之宏規勝鳳舞麟遊之上瑞一時褒卹百世觀瞻
幸此昌期編緝乃章逢之責欣茲盛舉流傳爲弧悅之型邑侯
錫山張夫子學宗金鏡心貯冰壺旣宣化以承流爰旁搜而博
採研求確蹟刪訂繁言謂梅里錢子平衡八葉重光烏奕公卿
之裔兼堰兜孫子頌年五經獲雋聯翩科第之家且以衰宗之
尚守清芬或者賤子之不忘名教因承誦諉共事校讐成祠而

繼以成書曠典而昭爲令典題名永永拜 闕廷浩蕩之恩展
卷殷殷起閭里低徊之暮敬從未簡僭綴蕪辭雖事已信而言
無文默抱慚於前古然風旣同而道自一實垂範於來今

楊爾德條陳積儲疏

雍正五年六月七日提督廣東學政臣楊爾德謹奏據實條陳
事臣蒙 皇上特恩以科員擢任廣東學政自念衡文課士未
足圖報萬一仰體我 皇上子惠元元至意於學政之外有關
吏治民生者輒留心訪問臣蒞任以來訪知南粵山澤多而可
耕之地少每年兩種兩收全憑雨澤均調儻遇旱潦難以人功
補救又其地爲各省及外洋往來貿易之處商賈之多甲於天
下所產之米有限不敷所食所以米價不時昂貴民間常有乏

楓涇小志

卷八

藝文

十五

食之虞也伏念我 皇上軫念民依深思遠慮廣東旣有積穀
一百六十餘萬石尙恐不足又命廣西運穀三十萬石以備用
又有運穀捐監之例所以捍患備災者已極周詳矣若使此項
積穀實儲在倉而所在官司因時糶賑何由米缺價貴揣其中
必有倉穀虧空之弊不然則有司奉行未善以致上無以仰答
天心下無以急拯民困臣愚以爲當及時一面嚴查倉儲一
面約定永遠無弊之法以收實效管窺所及約有四條敬爲我
皇上陳之一宜澈底盤查以清積弊也州縣有司賢愚不等
或侵或挪或蓋藏不謹致多泔爛交盤之際以無作有一時承
任均未可知定宜及時令大吏親歷澈底清查或調各州縣彼
此盤詰申詳務必核定有無多少實數庶使已往之責難逃將

來之人知儆平時不視爲具文臨事得徵其實效矣一宜專責任以嚴考成也郡邑正印官事繁責重於此項積儲或有不能兼顧之患郡佐丞簿之中豈無誠實可用之人請令督撫察訪或令知府保舉每州縣專委一員以司其事或一年一更或二年一更交盤務必清楚州縣正印官仍不時稽查以定黜陟庶出入不致於侵挪矣一宜審其地方以均積貯也廣東疆域遼濶有一府所屬之州縣而相距數百里或千里者又各州縣地方廣狹不同編戶之衆寡不一請 敕諭督撫分別州縣大小以定所積之額數則既無有餘不足之慮而所積必在本縣本鄉一時需用亦并無道遠難運稽遲不達之虞矣一宜核其積耗以杜妄報也東南之地不比西北高燥百物皆霉傷蟲損積

穀亦然既霉爛必須不時捐曬則未免捐耗此所以專員以司其事勤加省視又宜量其損耗准與銷算則司其事者既無推委之處亦不得以霉爛妄報矣臣本迂愚又非其職而感荷天恩末由報效見聞所及敢不直陳 聖聽如果臣言可採伏乞 皇上敕部議覆施行謹奏

婁近垣闡真篇

原夫道本無名因名立名道本無形因形成形名者道之用形者道之體至道之體本無定位冲然漠然而住於無所住也能深能廣能高能大能前能後能古能今非空非有非來非去非始非末非向非背明明而非照歷歷而不知融空有合真妄萬象紛紜而自不適間者我爲法轉也一鏡圓明而物無遁形者

法爲我用也眞妄相待迷悟相因融妄即眞猶冰之於水轉迷就悟猶影之於形夫鑒覺之功不至於圓滿者心有所照也欲泯然而覺圓須無心而應運故曰天地同根物我一如明並日月而普被其光輝功高二儀而均受其陶鎔非至人之無心孰能一至於此乎是以世尊觀明星而起悟太上跨青牛而觀化至聖樂沂永以徜徉皆灼知萬物之備於我而未嘗有心於萬物也無心於物故心心皆物無心於道故處處是道心心皆物無一念非物處處是道無一處非道體水燥火溼陽靜陰騰一來一往互爲出入化母孕其靈胎眞君宰其堅骨由是丹汞成焉谷神養焉內外明徹表裏洞達內其神而神固外其身而身存然後易彼幻形成其眞體出此眞體轉彼幻形是知大地山

楓涇小志

卷八

藝文

十七

河無非我體蟲魚鸞鶴悉成我身可以翱翔六合於曠八表泠泠然御景風乘慶雲逍遙於 聖人之世觀瞻舜日堯天又何必蓬瀛閬苑更問壺中天地乎雖然非參無悟非悟無修非修無證含萬法於一空納一空於萬法不空即空空即不空是之謂妙有真空眞空妙有即眞空而顯妙有即妙有以證眞空於參而實無所參於悟而實無所悟於修而實無所修於證而實無所證是謂之眞參眞悟眞修眞證所謂沖然漠然而住於無所住者此也

婁近垣重修龍虎山志序

至人出而靈奇現勝地傳而德教長是宇宙之所罕有而編輯之所最急者也夫學士大夫之遺跡苟有裨於民生則有志者

必且廣爲搜羅分爲卷帙以著爲美談況尤有神功偉績足以參贊化育於以輔熙運佐鴻圖爲教化之主持俾黎元之利益也哉江右貴溪之雲錦山係吾老祖天師鍊丹處丹成而龍虎現遂以更其名考道藏所載洞天三十六福地七十二龍虎山爲二十九福地特管窺之見者因其次序或將從而等第之孰知天亶異人畀以靈境正自有天施地設不得妄別其等第也邪我天師自東漢以迄今茲千七百餘歲傳世五十有六源遠流長嗣續未艾廣施法力潛弭妖氛推師法之宗則與空王並軌論爵秩之襲亦與至聖相當雖天師發跡於蜀啓教鶴鳴然今日仰溯遺風不於蜀之鶴鳴而於信之龍虎且眞仙輩出代不乏人類皆杖挑日月劍蝕煙雲則毓秀挺異瑞氣實鍾於斯

謂尼山泗水後先輝映可也苟編志闕如今東魯聖裔獨多志述之書恐吾教之遺憾者正復不少垣自弱歲從師純一楊公於楓溪之仁濟院嚮慕龍虎之勝神游久之及謁上清子篆周先生遂蒙見授三洞五雷諸法得窺名山秘笈間陟仙巖升危樓探幽洞尋向所謂天師得神虎寶書處私心不勝向往焉比以五十五代教主遺命侍直京師修圓法事蒙 世宗憲皇帝俯念微勤推恩所自 敕建斗閣重整仙壇琳宮奕奕璇宇巍巍若此 殊恩異數豈非老祖天師眞風靈惠有以感孚 聖朝故能仰邀 曠典澤被後裔以佑啓名山也哉山有舊志三卷首列元翰林院侍講學士元明善編輯明工部左侍郎張鉞校五十代五十一代天師張國祥顯庸同建武後學王三極續

校向病其闕略及讀志中舊序始知元編舊志已爲四十三代
耆山天師增修至十卷矣歲月寢久簡冊靡存今之三卷乃耆
山殘缺之餘編而非明善所輯之全策不然何掛漏頗多而冗
雜無次邪吳郡顧尊光博雅士也嘗館於素堂署教主齋深以
幸際 殊恩必宜增修山志乃旁搜遠索考信辨疑凡有數十
條惜其屬稿未就遽焉殂謝垣以一介草莽遭遇 寵光思祖
庭勝蹟久未編輯實耿於懷爰稽往籍并述 新恩 綸音宸
翰之輝煌瓊閣瑤臺之壯麗山川之靈異人物之瑰奇與夫爵
祿田賦之增設詩詞序跋之敷揚廣收畢弋類聚羣分合得一
十六卷以成是山之志吾徒惠遠謨任校讐焉垣愧樸陋無文
不足以頌揚 聖德闡述先猷惟欽至人之異蹟勝地之常留

私喜是編之修庶足與闕里諸志並光天壤而垣亦得附名於
奕世但冀後之修志者弗再如前之廢爲三卷則又厚幸也已
謹壽諸梓而爲之序

謝墉平定兩金川序贊

臣聞建千古非常之功者其始無心於建功也闕一代無窮之
基者其本不急於闢基也曩者西陲之役平伊犁定回部拓疆
數萬夫其自敝也竄也天命以歸 有德而非其兼弱攻昧取
亂侮亡之謂也今茲金川之績剿攢拉滅促浸俘馘數千夫其
自絕也叛也 天討以形有罪而非僅禁暴戢兵安民和衆之
謂也蓋 聖人如天之道宰化不言成功不居一隨夫萬物
之自取而已矣乃有膠庠之士進而問曰粵在戊辰金川不靖

狡焉思逞豕蛇蹂躪時則 命將聲罪 撻伐用張 大兵壓
其境不難翦刈灰滅之則早已銘 武功矣曷肆赦於昔而遲
之遲而又久以蕝事於今臣答之曰 仁覆憫下無不容也庶
頑並生無不涵也彼薦食其隣非不赦而窮蹙以降猶可矜
皇上用以包蒙之度示顯比之不誠而又焉料其惡積而不可
掩罪大而不可解以逮於不得已而覆滅相尋古人之言曰聖
人無功非無功也不欲以功見也功者不得已而有焉者也是
以遲之遲而又久也問曰蠢茲小醜 大邦爲讎忘全活之惠
肆并吞之謀滋九土司之釁搆三雜谷之仇乃救其父而僧格
桑辜 恩宥其父而索諾木濟惡也何虺之弗摧末之弗掇而
厚其毒以降之罰也臣答之曰蝸角之鬪蠻服之常彼之日尋
楓涇小志

干戈以相討伐弗擾我邊疆雖 至聖亦化外置之勿過防之
矣而乃蔑 教令抗顏行戕土姓奪符章是則怙終賊形自取
滅亡問曰寇讐也而反婚媾脣齒也而又狼狽被我 天朝之
大惠而不知感且不服罪而重之構禍焉走險者稽誅藪逋者
黨悖是 聖人之德固有時暫阻而後以威先愛乎臣答之曰
聖德非有阻也鴟鴞不可以雞鴨育 聖人未始不欲革其
音易其目也豺狼不可以犬豕畜 聖人未始不欲收其心馴
其性也 至德而不格則功乃興矣博受而不濟則威斯震矣
是以 聖人之功不有加於德之外亦不有歧於德之中夫傾
鳴鴞之巢則鳥雀適其殼焚豺狼之窩則牛馬安其風是故功
亦德德亦功且夫反噬者殃首禍者絕助逆者亡怙惡者滅天

之道也 聖人亦順天之道而已必有所大不得已而後赫然一怒 簡師振旅犄角夾擊綿綿翼翼再定美諾遂平勒圍若疾雷破山大風振海之不可止也其間搗谷噶克馬尼摧羅博據宜喜舉默格爾略康薩爾日旁既收昆色復洗 睿謨神算出入於九天九地極於無形之門用 侵伐而無不利易曰天下之至健德行恆易以知險天下之至順德行恆簡以知阻此兵略之要也非 至誠其孰能與於斯而何虞地之有險德之有阻也古語曰事易成者名小難成者功大而況於 仁者之師乎問曰 聖人順天是則然矣乃若昔之破軍滅國者或俘厥魁而徒黨逸或係其孥而兇渠潛蓋有盡室以行聚族而殲者矣不聞一一生致之若茲 天兵之破噶喇依也其母姊妹

妹其兄若弟其頭目係頸相後先其酋與其土婦及其子女無不同時羅跪就縛焉夫甯 蒼昊之與 廟謨有若符券之授者然臣答之曰然所謂先天而弗違也然亦天之所使非人之所爲也夫以 濬哲之照提挈剛柔運旋樞軸審彼逆酋之惡盈而禍盈也揆之以 先幾神謀鬼謀畢應焉燭之以 心鏡分陰分陽迭用焉故方智圓神堂堂正正而非由乎兵家之抵巇飛箝夫又安得而逃旃故曰天網恢恢疎而不失問曰在昔西南夷君長以數仟伯自上世以來弗能賓服彼其板楯句町之蠻冉驩^口筇竹之國地不列於職方所掌則其爲竹王之大也久矣名不隸於行人所儀則其爲史林之貢也蔑矣是以凡欲有所締構者不能於此焉增其式廓也凡欲有所奮伐者不能

於此焉簡厥車卒也豈愒置之哉天險不可升也地險山川邱陵也其民俗又悍而有謀今之邱陵猶昔也其民俗亦猶昔一朝而殄滅之豈其有數存乎其間耶臣答之曰上德理勝數次德理數持下德數勝理我 國家以仁德怙冒天下 三后在天光烈景鑠我 皇嗣之德至矣哉如天之無不憐也如地之無不載也惟此蜀徼之彈丸其矜全之德尤大且久矣彼以險叛則險失我以順應則險平本非有利於其土地人民也 德崇則數應數應則基闢問曰夫 運籌制勝 智之策也執訊獲醜 武之略也是固 神聖之能事雖不可得而管窺而可考信前經以得其說也若夫勒鳥圍掃於八月之望噶喇依定於二月之吉距數月而遙矣而何 宸衷之克豫以卜也 鑾

楓涇小志

卷八

藝文

二十一

輅上 陵露布馳捷適達集勳以登芬苾繼之秩名山奉 慈暉升 闕里 告獻馘 勞士於郊 受俘於 闕虎拜 壽萬麟閣功百然後上 徽稱廣 孝德朱鷺鳴鏐白狼叶律或遠某日或近某日無不夙戒如期應機合節何萬里之行師乃燭照數計於几席也臣答之曰 睿作聖 誠則明天旦弗違而況於人乎況於鬼神乎臣乃起而重曰蠻徼之地種類實繁 聖皇視之皆我赤子也豈盡無良哉而爲一二黠猾者迫脅則相率而梗塞 聲教矣牧羊者去其敗羣養苗者鋤其害稼 德則廣運 功以斷成繼自今我疆我理我陵我阿歸耕安堵偃伯止戈則彼魑魅魍魎之窟宅不百化而麗於 日星雲漢之光華也乎士也恍然忭舞而進曰於鑠哉無心於建功

者建千古非常之功者也不急於闢基者闢一代無窮之基者也臣於是載拜稽首系以贊曰

往年我 皇上平定西域是臣始奉 詔直 內廷恭讀 御制開惑論告成太學碑文西師諸篇知 聖心之非存乎耀武事也而承天之佑 大武以昭又知 聖心之非存乎矜文事也而觀天之道 大文以垂合今茲 鴻撰而敬繹之渾渾噩噩乎赫赫明明乎乃武乃文兼三五而運之 配天長人函統今古豈不諒哉

謝墉婁縣志序

古之方志自越絕書始而顧啓期之婁地記顧夷之吳郡記次之越絕志越及吳二顧所記皆吳地也然則言地志者宜莫先

楓涇小志

卷八

藝文

二十三

吳矣漢之吳郡北距江南至嶺嶠地方數千里會稽割置以後猶包今江蘇六府州之地唐宋華亭一縣元析爲二置松江府始別於蘇州明又析爲三數世以後賦重民繁有司不能徧理又稍稍析之其勢然也 國朝底定江南順治十三年分華亭之西南境置縣取漢婁縣名名之同治郭下於時海氛告靖生聚日滋 聖祖時巡方岳於焉肆觀海隅蒼生仰受 天澤歡若家人 世宗蠲免浮糧俾景定官田五百餘年之害一朝釋負 皇上撫重熙之運久道化成文治田功漸被江海是縣有屢豐之慶無用威之煩故以 開國之建置 列朝之教養百四十年以來名臣節士孝子順孫異世間出前後相望至官師遷除賦役更定一方之經制繫焉而志乘闕如未有舉其事者

問之耆舊稽之案牘蓋日遠日難矣吾宗大令彈琴多暇仕優而學以守土之官徵文考獻延致吾友大理卿陸公創爲是志大理校典秘書延閣曲臺之藏皆其刊定茲以江東舊族資於家世見聞博采羣書旁搜圖牒成書若干卷斟酌古今詳而有體良史別裁於斯爲至時則清江楊公以詞林宿望周列臺省老於掌故適來守是邦德星所聚仁風載揚婁之士大夫趨事勸功樂觀厥成不期歲而汗青可寫邦之政事於是乎出簿書期會於是乎稽可謂見其大者矣予嘗謂列史斷代爲書自班氏而下相沿不革獨近世州縣之志更數十年而一修則取舊志更張之稍傳以新事於是前人編錄之意遂不可復尋凡所記載不知著自誰何後世亦難引据且篇帙日繁勢將何底是

楓涇小志

卷八

藝文

二十四

志出於創始前無所襲以大理鴻裁雅體又得賢守令之助勒爲成書後有作者循會稽續志之例勿紊施宿成規其亦可矣余家嘉善之清風涇舍北一水即婁之南境舊德先疇諳其風土又以再奉使節典學江南是書之成得與商榷自惟疎淺不能有所裨益蓋撫卷有餘愧焉

陳孝泳謝同南書房翰林行走 恩摺

臣陳孝泳謹奏爲恭謝 天恩事本月二十八日內閣奉 上諭鴻臚少卿陳孝泳著同南書房翰林行走欽此竊臣材慚駑騫學等蟲雕少從事於丹鉛暇微窺於金石屢逢 鑑古幸預摹書遂自槐衙得趨 蘭掖實章縫之殊遇爲韋布之至榮嗣一舉於鄉書濫四門之博士禮闈七上甘場屋之退材 恩綽

九重界部曹之進例便蕃 錫賚綴次賡吟復叨烏府之除
洊轉黃門之秩在微臣估畢之分夢寐難期皆 聖主容軫之
仁盼矚每及方深悚仄更荷 寵榮甫佐列卿聳聽句臚之唱
旋偕內翰欣隨倬直之班 恩重心驚感深骨換舉頭黃榜昔
思成進士之難聯步 丹墀今獲從翰林之後敢云雅志悉本
鴻施愧乏萬分詎涓埃之能報銘深五內倍銜結之恆情惟
有刻勵慎勤勉強學問少期稱適用答 崇深所有感激微忱
謹繕摺恭謝 天恩伏乞 睿鑒臣謹奏

舊序

嘉善縣知縣江峯青序

今年夏余奉 憲檄承乏嘉善下車試士首選卷爲楓溪朱茂

楓涇小志

卷八

藝文

二十五

才歲值大比循例決科又得楓溪程生爲多士冠楓溪舊有書
院每月朔由縣課士一次佳構林立雖高下不齊而草率從事
者不經見士者四民之首也文教者地方風化之符也以此知
楓溪爲文物之區而前輩之流風餘韻猶未有艾也間嘗因公
戾止見市廛輻輳煙戶繁盛農工商賈各安其業俗尙華飾而
不傷於靡人務機智而弗荒於嬉都人士因事接見類皆彬彬
儒雅街巷潔治橋梁完固地方恤嫠育嬰施棺各善舉次第具
備官斯土者顧而樂之慨然景慕白牛居士陳令舉先生之爲
人以爲君子之澤信乎其未斬也楓溪以先生故又名白牛村
後之人仰其清風亮節又名清風涇而號其鄉曰奉賢德鄰仁
里生齒日蕃賢豪輩出而因革損益盛衰興廢之故歷數傳而

一變其間忠孝廉節與夫文人學士之嘉言懿行亦與時俱增今許侍庭葉培卿費二川諸君子因曹雪莊陳竹士兩先生楓溪小志舊稿遠摭近拾博採廣搜期於無冗無漏而問序於予讀其書綱舉而目張擇精而語詳斐然作述之美足以風世足以傳世夫徵考文獻風勵末俗有司之職也綜覈名實綱羅散佚亦吾儕之責也予雖不文而適與諸君子商辦九十餘年未修之嘉善邑志喜是書之成將有以參互考證也因樂爲之序

婁縣知縣張紹文序

余昔以軍事往來吳越間歷楓溪見林木陰翳廬舍鱗次清流激湍晶瑩如雪山川鍾淑之氣撲人眉宇意必有隱君子者艤舟低徊而不能去後十餘年宰婁邑乃識境屬婁南四十五里

楓涇小志

卷八

藝文

二十六

即古清風涇宋陳舜俞之所居也宋置驛通秀州爲浙江界首鎮之南半屬嘉善順治初用形家言築堰於東柵以攔水科第相繼商賈坌集至今稱蕃庶焉曩曹雪莊先生採輯成志陳竹士明經取而裒益之稿未鐫遽歸道山中更兵燹世易時移疆域之沿革第宅之興廢與夫賢人君子孝子悌弟士女貞義之行代有興者使無紀載以表彰之後之人將何述焉今許君侍庭偕葉君培卿費君二川慨然引爲己任取曹陳所編輯綱羅散佚博採舊聞逾年成書十卷各以類附以補前志之缺而釐定其體蓋事雖因實同於創者也昔江文通謂修史之難無過於志誠以志者典章所繫非爾雅之才資於故實不足以補益舊聞昭示來茲也歷年久遠考覈尤難所見異辭所聞異辭所

傳聞又異辭察貌遺形有必然者諸君子之用心亦良苦矣余獨念方志之作即周官訓俗之義推而廣之於以鏡臧慝考得失資治理耳莫爲之前雖美弗彰莫爲之後雖盛弗傳況夫天下者郡縣之所積也郡縣者鄉里之所積也一勺之水可以知滄海之大一嚮之味可以知膾炙之美一粉米之繡可以知黼黻之華古之君子處則以禮教化其鄉出則以廉正効於國故家修廷獻亙古如斯野史稗官輶軒必錄或者不察謂此特一鄉紀實僅足供藝苑之珍秘也豈定論哉吾願生是邦者敦本善俗砥礪廉隅以期學修行舉與前之宗工傑士頡頑後先是則修志者之深心也余不獨爲秉筆者幸且爲一方之風俗幸也故於志之成也樂得而爲之序

楓涇小志

卷八

藝文

二十七

嘉善顧福仁序

楓涇舊名白牛市元至正間始立爲鎮置巡司明宣德年間析嘉興縣爲嘉善鎮之南隸之鎮之北屬華亭 國朝順治中又析華亭爲婁縣遂屬婁嘉善主簿婁縣巡檢及兩邑分防外委並駐於斯東望雲間爲泖口要隘西望張涇匯九里鋪遞之所由焉嘉慶時曹雪莊先生相駿謂澈水有志烏青鎮有志楓涇緊豈無人而不加收齒乎爰自有明以來里中耆舊遺文佚事珍同球璧采備無遺署曰楓溪小志厥後陳竹士明經宗溥獲其稿仿縣志例徵舊聞附新獲十年而稿具增益大半光緒年間嘉興府志婁縣志先後重修陳明經上其書而當事所采無

幾今陳明經歸道山十餘年矣侍庭許君

光墉

一川費君

恐

年久散佚乃同葉君培卿^{世熊}以陳稿爲權輿旁搜博采編次

先後名曰重輯楓涇小志復經仲周陳君^{維祺}參校將集資付

刊諗於福仁曰此一鎮之掌故也請闕者補之宥者汰之以爲

他日修志之一助可乎爰且讀且繹訖於終卷復於侍庭二川

兩君子曰山川形勝土田上下農桑物產諸類大都分善婁兩

志之緒餘無足深論而一時風尚醕漓戶口登耗閱數年而不

同乃自開國以來人材蔚興經濟文章流播遠近閨貞閫烈

彤管斯輝有所稱述依於庸德不爲溢美也昔沈瀛壺先生所

輯郡志劉公^{應珂}以爲繁重削去大半嗣後李太僕^{日華}應修

縣志悉爲補采然則是編也余又何汰之有吾人伏處一鄉足

跡所經耳目所及暇日捃摭初無官司程限確而可信諸君子

楓涇小志

卷八

藝文

二十八

有意校存不大愈於雕蟲篆刻乎末卷拾遺足資談助鳧履登
朝蛇劍穿屋史筆謹嚴猶登異說知言君子當可無譏已

婁沈祥龍序

江蘇浙江之東西交界有鎮曰楓涇其鎮半隸婁縣半隸嘉善
縣蓋兩省往來之孔道也案楓涇舊名風涇宋楊潛雲間志載
風涇鄉在華亭西南六十里國朝謝庭薰婁縣志謂楓涇因
戶口日繁市廛日盛逮至我朝人文蔚起宗工碩士頡頏後
先知謝侍郎墉陳光祿孝泳蔡殿撰以臺以通儒膺聖主殊
眷沈進士泓以孝行稱許觀察椿以忠節著其他懷才負奇名
震遐邇者代不乏人雖區宇祇此一隅而靈秀鍾聚不遜通都

大邑又地爲水陸所湊商賈駢集田野沃饒民務儉勤戶號殷富數百年來未之變也楓涇舊無志乘凡分載於嘉善婁邑兩志者亦略而未備嘉慶間里人曹君相駿始輯楓涇小志後陳君宗溥續爲纂修搜羅攷訂二十年視曹志爲詳其書未及刊行而陳君卒矣往歲許君光墉葉君世熊費君澧取陳稿重加釐定遺者補之誤者正之稿又增十之三分爲十卷而陳君維祺復任參校排印以行世其書體例秩然繁簡適當足以信今傳後而攸關於兩邑掌故者厥功匪淺豈特一鎮之光也哉憶余昔時客楓涇四五載與葉君交最深而葉君出陳君之門因得識陳君會商榷此志是時老成猶在文酒之會時相往還兵燹以後滄桑變易而朋舊亦大半凋落矣茲與葉許費諸君按圖經訪舊蹟其能無今昔之感耶然而風俗猶是也人心猶是也是則讀此志者所欣然神往也夫

陳銓衡跋

曹雪莊前輩爲金山名諸生世居清風涇嘗搜求里中故實著楓涇小志吾族伯竹士先生好學不倦老而彌篤生平手鈔書不下數十種得是稿謂係一鄉掌故增新補舊歷十餘年不懈同治癸亥館滬上鄰右失慎延燒一空先生倉皇出走僅負書麓以行是書得以無恙晚年得中風疾猶諄諄以是書囑衡謂志雖小踵而修之亦居斯土者之責得付剞劂則死且不朽衡謹誌之愧力未逮焉庚寅春許君侍庭慨然有重輯之志於是商諸衡以是稿爲依據編次先後並荷葉文培卿費文二川相

與汰其允補其闕悉心商榷二年而書成迺集貲郵寄申江付
手民排印適從弟仲周客滬上復爲參校間有遺誤攷正數條
洵足以信今傳後惜先生墓有宿草不獲目覩其成展讀是編
不勝今昔之感云

